



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

23 e Gerardus Bischoff vnd Marterer.

urn:nbn:de:hbz:466:1-41449

Februarius

Item in der Statt Salamina in Cypren gelegen/
des H. Aristonis / so einer auß den 72. Jüngern Christi
gewesen / vnnnd nach dem er sein Predigamt inn der
Insel Cypren trewlich verricht / ist er daselbst im freid ver-
schiden.

Item zu Alexandria des H. vnd nach S. Marco an-
dern Bischoffs Abilij / wellicher das Bischofflich Ampt
dreyzehen jar tugentreichlich verrichtet.

Anno Dñi 390.
Item zu Rom des heyligen Pappst vnnnd Beichti-
gers Siricij / eines gebornen Römers / so der Kirchen-
sachen wol geordnet / die Manicheer vertriben / die Prie-
sterlich keuschheit bestetiget / vnnnd endlich im freiden
verschiden.

Item zu Wien des heyligen Bischoffs vnd Beich-
tigers Paschasij / so wunderbarlich inn der heyligkeit ge-
wesen.

Item die erhebung des Leibs des H. Erzbischoffs
Gudwals.

e vij. Calend. Martij.

Der XXIII. tag im Hornung.

Bei ist die Vigili vnd gebotten Fastabend des H.
würdigen Apostels Matthe.

Anno Dñi 300.
Item zu Syrmio der Tag des H. Mönchs
vnd Marterers Syrent / der ward vmb des Christlichen
Glaubens willen angeklagt vnd auß befehl des Tyrani-
nischen Kayfers Maximiani gefangen / vnnnd dieweil er
sich einen Christen bekennet / enthauptet.

Item in gemelter Statt Syrmien haben auch 72.
Marte-

Marterer durch den kampff der matter/das ewigwerend Reich erlange.

Item zu Rom des H. Priesters vnd Beichtigers Pollicarpi/welcher zur zeit der Haidnischen Kayser Diocletiani vnd Maximiani gelebt/vnnd mit S. Sebastiano vil volcks zum Christlichen Glauben bekörte vnd tauffete. Als er aber den Pfleger Cromatium (der S. Tiburtij Vatter war) bekörte/auch alle seine Abgötter zerbrach/vnd der Kayser Cromatium mit vilen andern in Campanien ins ellend schicket/da zog Pollicarpus mit ihnen freywillig inn das ellend/auff das er die ellenden Christen tröstet/vnnd im rechten Glauben erhielte: war ein Mann im Gebett vnd Predig embsig vnd fleißig.

Anno Dñi
287.

Item in Vngern das leyden (oder wie etlich andere wollen die erhebung) des heyligen Gerardi/Morisenensischen Bischoffs vnnd Marteners: War ein geborner Benediger/vnnd daselbst im Thümbstiffe ein Chorherr/der auß begierd eines vollkommen lebens zu eines Einsiedels wesen sich begab/vnd vnder dem Vngerischen König Stephano zum Bischoff gemacht/im Land herumb zog/vnd embsigklich prediget/mit Prophetischem Geist leuchtet. Ward bey der Statt Alba von den Vnglaubigen gefangen vnd gestainigt/mit einem Spieß durchstochen/vnnd sampt andern vilen enthauptet. Sein Leib/gen Morisena geführt/leuchtet daselbst mit wunderzaichen.

Anno Dñi
1000.

Item der H. Junckfrawen Milburgis/welche des Königs Merciorum Tochter gewesen.

Item zu Trier die erfindung des H. Bischoffs vnd Beichtigers Celsi.

Item in Irland des H. Bischoffs vnd Beichtigers Tymini.

Item

Februarius

Item in Egyptenland des H. Abts Sereni / welcher sich stets in fasten vñ betten übet / auch auß sonderlichen gnaden Gottes die reinigkeit des gemüts vñnd leibs erlangete / daß er vonn allen ansechtungen vñnd bösen rathungen des fleischs frey gewesen.

f vj. Calend. Martij.

Der XXIII. Tag im Hornung.

Gut ist der Geburtstag des heyligen würdigen Apostels Matthe / welcher vom Geschlecht Juda geboren / im Gefas Gottes gar gelehrt / vñnd auß der zahl der 72. Jünger Christi gewesen : nach vñsers Herin Himmelfart aber von den heyligen Aposteln an des Verdrhters Jude statt zum zwölff botten erwölet worden. Als er nun erslich in Macedonia / vñd darnach bey den Juden Christum bestendigklich predigte / ward er von ihnen gefangen / als ein obelthäter versteinigt / vñd gends als ein Och mit einer Art an Koyff geschlagen / vñd endlich enthauptet. Sein Leib hat die H. Kayserin Helena nach vilen jaren auß Judea gen Rom geführet. Rühret aber jetzt zu Exter.

Anno Dñi 450. Item die erfindung des Hauptes S. Johannis des Vorlauffers vñd Tauffers Christi vñsers Herin / welche erfindung auß sonderlicher offenbarung Gottes zur zeit des Kayfers Martini wunderbarlich geschehen / vñd also das H. Haupt von Jerusalem (da es verborgen lag) gen Edissa kommen.

Item zu Cesarea in Cappadocia des H. Marteners Sergii /